

長春真人西遊記卷上

門人真常子李志常述

父師真人長春子姓丘氏名履機字通家登州棲霞人未冠出家師事重陽真人既而住磻溪龍門十有三年真積力久學道乃成暮年還海上戊寅歲之前師在登州河南屢欲遣使徵聘事有齟齬遂已明年往萊州昊天觀夏四月河南提控遠鄙使至邀師同往師不可使者携所書詩頌歸繼而復有使自大梁東道聞山東為宋人所據乃還其年八月江南大帥李公彭公來請不赴爾後隨處往往邀請某之主者難其事師乃言曰我之行止天也非若輩所及知當有留不住時去也居無何成吉思皇帝遣侍臣劉仲孫懸虎頭金牌其文曰如朕親行便宜行事及蒙古人二十輩傳旨敦請師躊躇間仲孫曰師名重四海皇帝特詔仲孫踰越山海不限歲月期必致之師曰兵革以來彼疆此界公冒險至此可謂勞矣仲孫曰欽奉君命敢不竭力仲孫今

年五月在乃滿國兀里朵得旨六月至白登北威寧得羽客常真諭七月至德興以居庸路梗燕京發士卒來迎八月抵京城道眾皆曰師之有無未可必也適中山歷真定風聞師在東萊又得益都府安撫司官吳燕符元始得其詳欲以兵五千迎師燕等曰京東之人聞兩朝議和衆心稍安今忽提兵以入必皆據險自固師亦將乘桴海上矣誠欲事濟不必命也從之乃募自願者得二十騎以行將抵益都使燕元馳報其師張林林以甲士萬郊迎仲孫笑曰所以過此者為求訪長春真人君何以甲士為林於是散其卒相與接轡以入所歷皆以此語之人無駭謀林復給以駟騎次離州得尹公冬十有二月同至東萊傳皇帝所以宣召之旨師知不可辭徐謂仲孫曰此中艱食公等且往益都俟我上元齋竟當遣十五騎來十八日即行於是宣使與衆西入益都師預選門弟子十有九人以俟其來如期騎至與之俱行由濰陽至青社宣使已行矣問之張林言正月七日有騎四

百軍于臨淄青民大駭宣使逆而止之今未聞所在師尋過長山及鄒平二月初屆濟陽士庶奉香火迎拜于其邑南羽客長吟前導飯於養素齋會衆僉曰先月十八日有鶴十餘自西北來飛鳴雲間俱東南去翌日辰巳間又有數鶴來自西南繼而千百焉或頷或頰獨一鶴拂庵盤桓乃去今乃知鶴見之日即師啓行之辰也皆以手加額留數日二月上旬宣使遣騎來報已駐軍將陵儀舟以待明日遂行十三日宣使以軍來迎師曰來何暮對以道路榛梗特往燕京會兵東備信安西備常山仲孫親提軍取深州下武邑以關路構橋於濶沱括舟於將陵是以遲師曰此事非公不克辨次日絕濶沱而北二十二日至瀘溝京官士庶僧道郊迎是日由麗澤門入道士具威儀長吟其前行省石抹公館師于玉虛觀自爾求頌乞名者日盈門凡士馬所至奉道弟子以師與之名往往脫欲兵之禍師之道蔭及人如此宣撫王巨川楫上詩師荅云旌旗獵獵馬蕭蕭北望燕山度石橋

萬里欲行沙漠外三春遠別海山遙良朋出塞同歸鴈破帽經霜更續貂一自玄元西去後到今無似北庭招師開行宮漸西春秋已高倦冒風沙欲待駕迴朝謁又仲祿欲以選處女偕行師難之曰齊人獻女樂孔子去魯

余雖山野豈與麴子同行哉仲祿乃令蜀刺馳秦師亦遣人奉表一日有人求跋閣立本太上過關圖題蜀郡西遊日函關東別時群胡皆稽首大道復開基又以二偈示衆其一云雜亂朝還暮輕狂古到今空華空寂念若有若無心其二云觸情常決烈非道莫參差忍辱調猿馬安閑度歲時四月上旬會衆請望日醮於天長師以行辭衆請益力曰今茲兵革未息遺民有幸得一覩真人蒙道蔭者多矣獨死者冥冥長夜未沐薦拔遺恨不無耳師許之時方大旱十有四日既啓醮事雨大降衆且以行禮為憂師於午後赴壇將事俄而開霽衆喜而歎曰一雨一晴隨人所欲非道高德厚者感應若是乎明日師登寶玄堂傳戒時有數鶴自西北來人皆仰之焚簡

之際一簡飛空而滅且有五鶴翔舞其上士大夫咸謂師之至誠動天地南溟老人張天度子真作賦美其事諸公皆有詩醮竟宣使劉公從師北行道出居庸夜遇群盜于其北皆稽顙以退且曰無驚父師五月師至德興

龍陽觀度夏以詩寄燕京士大夫云登真何在泛靈極南北東西自有嘉碧落雲峰天景致滄波海市雨生涯神游八極空雖遠道合三清路不差弱水縱過三十萬騰身頃刻到仙家時京城吾道孫周楚御楊彪仲文師誦才御李士謙子進劉中用之陳時可秀玉吳章德明趙中立正御王銳威御趙昉德輝孫錫天錫此數君子師寓玉虛日所與唱和者也王觀逢辰王直哉清甫亦與其遊觀居禪房山之陽其山多洞府常有學道修真之士棲焉師因契衆以遊初入峽門有詩云入峽清遊分外嘉群峰列岫戟查牙蓬萊未到神仙境洞府先觀道士家松塔倒懸秋雨露石樓斜照晚雲霞卻思舊日終南地夢斷西山不見涯其地爽塏勢傾東南一望三百餘里觀

之東數里平地有湧泉清冷可愛師往來其間有詩云午後迎風背日行遙山極目亂雲橫萬家酷暑熏腸熱一派寒泉入骨清北地往來時有信東臯遊戲俗無爭耕夫牧豎堤陰謀生溪邊浴罷林間坐散髮披襟暢道情

中元日本觀醮午後傳符授戒老幼露坐熱甚悉苦之須臾有雲覆其上狀如圓蓋移時不散衆皆喜躍讚歎又觀中井水可給百衆至是踰千人執事者謀他汲前後三日井泉忽溢用之不竭是皆善緣天助之也醮後題詩云太上弘慈救萬靈衆生薦福藉群經三田保護精神氣萬象欽崇日月星自揣肉身潛有漏難逃科教入無形且遵北斗齋儀法尚斗北斗皆論齋無漸陟南宮火煉庭八月初應宣德州元帥移刺公請遂居朝元觀中秋夜有賀聖朝二曲其一云斷雲歸岫長空凝翠寶鑑初圓大光明弘照亘流沙外直過西天人間是處夢魂沈醉歌舞華筵道家門別是一般清暗開悟心田其二云洞天深處良朋高會逸興無邊上丹霄飛至廣寒宮悄

擲下金錢靈虛晃耀睡魔奔迸玉兔嬋娟生
忘機觀透本來真任法界周旋是後天氣清
肅靜夜安閑復作二絕云長河耿耿夜深深
寂寞寒窓萬慮沈天下是非俱不到安閑一
片道人心其二云清夜沈沈月向高山河大
地絕纖毫唯餘道德渾淪性上下三天一萬
遭朝元觀據州之乾陽功德主元帥移刺公
因師欲北行初構堂殿奉安尊像前後雲房
洞室皆一新之十月間方繪祖師堂壁畫史
以其寒將止之師不許曰鄒律尚且迴春况
聖賢陰有所扶持邪是月果天氣溫和如春
絕無風沙由是畫史得畢其功有詩云季秋
邊朔苦寒同走石吹沙振大風旆屬翅垂南
去急行人心倦北征窮我來十月霜猶薄人
訝千山水尚通不是小春和氣暖天教成就
畫堂功尋阿里解至自幹辰大王帳下使來
請師繼而宣撫王公巨川亦至曰承大王鈞
旨如師西行請過我師首肯之是月北遊望
山曷刺進表迴有詔曰成吉思皇帝勅真人
丘師又曰惟師道踰三子德重多方其終曰

雲軒既發於蓬萊鶴馭可遊於天竺連磨東
邁元印法以傳心老氏西行或化胡而成道
顧川途之雖闊瞻几杖以非遙爰答來章可
明朕意秋暑師比平安好指不多及其見重
如此又勅劉仲祿云無使真人飢且勞可扶
持緩緩來師與宣使議曰前去已寒沙路艱
遠道衆所須未備可往龍陽乘春起發宣使
從之十八日南往龍陽道友送別多泣下師
以詩示衆云生前暫別猶然可死後長離更
不堪天下是非心不定輪迴生死苦難甘豈
日到龍陽觀過冬十一月十有四日起龍巖
寺齋以詩題殿西廡云杖藜欲訪山中客空
山沉沉淡無色夜來飛雪滿巖阿今日山光
映天白天高日下松風清神遊八極騰虛明
欲寫山家本末道人活計無能名十二月
以詩寄燕京道友云此行真不易此別話應
長北踏野狐嶺西窮天馬鄉陰山無海市白
草有沙場自嘆非玄聖何如壁大荒又云京
都若有餞行詩早寄龍陽出塞時昔有上牀
鞋履別今無發軔夢魂思復寄燕京道友云

十年兵火萬民愁千萬中無一二留去歲幸
逢慈詔下今春須合冒寒遊不辭嶺北三千
里皇帝舊元里多仍念山東二百州窮急漏
誅殘喘在早教身命得消憂幸已之上元醮
於宣德州朝元觀以頌云衆云生下一團腥
臭物種成三界是非魔連枝帶葉無窮勢跨
古騰今不柰何以二月八日啓行時天氣晴
霽道交餞行於西郊遮馬首以泣曰父師去
萬里外何時復獲瞻禮師曰但若輩道心堅
因會有日矣衆復泣請果何時邪師曰行止
非人所能爲也燕遠涉異域其道合與不合
未可必也衆曰師豈不知願預告弟子等度
不獲已乃重言曰三載歸三載歸十日宿翠
帡口明日北度野狐嶺登高南望俯視太行
諸山晴嵐可愛北顧但寒沙衰草中原之風
自此隔絕矣道人之心無適不可宋德方輩
指戰場白骨曰我歸當薦以金籙此亦余北
行中一端因緣耳北過撫州十五日東北過
蓋里泊畫立埕鹹鹵地始見人煙二十餘家
南有鹽池地遷東北去自此無河多鑿沙井

以汲南北數千里亦無大山馬行五日出明
 昌界以詩紀實云坡陀折疊路彎環到處鹽
 場死水灣盡日不逢人過往經年時有馬迴
 還地無木植唯荒草天產丘陵沒大山五穀
 不成資乳酪皮裘氈帳亦開類又行六七日
 忽入大沙陀其蹟有矮榆大者合抱東北行
 千里外無沙處絕無樹木三月朔出沙陀至
 魚兒濼始有人煙聚落多以耕釣為業時已
 清明春色渺然凝冰未泮有詩云北陸初寒
 自古稱沙陀三月尚凝冰更尋若士為黃鵠
 要識修鯤化大鵬蘇武北遷愁欲死李陵南
 望去無憑我今返學盧敖志六合窮觀最上
 乘三月五日起之東北四旁遠有人煙皆黑
 卓白帳隨水草放牧盡原隰之地無復寸木
 四望唯黃雲白草行不改途又二十餘日方
 見一沙河西北流入陸局河水濡馬腹傍多
 叢柳渡河北行三日入小沙陀四月朔至幹
 辰大王帳下水始泮草微萌矣時有婚嫁之
 會五百里內首領皆載馬漣助之皂車氈帳
 成列數千七日見大王問以延生事師謂須

齋戒而後可聞約以望日授受至日雪大作
 遂已大王復曰上遣使萬里請師問道我曷
 敢先焉且諭阿里鮮見畢東還須奉師過此
 十七日大王以牛馬百數車十乘送行馬首
 西北二十二日抵陸局河積水成海周數百
 里風浪漂出大魚蒙古人各得數尾並河南
 岸西行時有野蕪得食五月朔亭午日有食
 之既衆星乃見須臾復明時在河南岸自
 西南生自東北其地朝涼而暮熱草多黃花
 水流東北兩岸多高柳蒙古人取之以造廬
 帳行十有六日河勢遠西北山去不得窮其
 源西南接魚兒濼驛路蒙古人喜曰生前已
 聞父師來因獻黍米石有五斗師以斗棗酬
 之渠喜曰未嘗見此物因舞謝而去又行十
 日夏至量日影三尺六七寸漸見大山峭拔
 從此以西漸有山阜人煙頗衆亦皆以黑車
 白帳為家其俗牧且獵衣以韋毳食以肉酪
 男子結髮垂兩耳婦人冠以樺皮高二尺許
 往往以皂褐籠之富者以紅綃其末如鴉鴨
 名曰故故大忌人觸出入廬帳須依回俗無

文籍或約之以言或刻木為契過食同享難
 則爭赴有命則不辭有言則不易有上古之
 遺風焉以詩敘其實云極目山川無盡頭風
 煙不斷水長流如何造物開天地到此令人
 放馬牛飲血茹毛同上古我冠結髮異中州
 聖賢不得垂文化歷代縱橫只自由又四程
 西北渡河乃平野其旁山川皆秀麗水草且
 豐美東西有故城基址若新街衙巷陌可辨
 制作類中州歲月無碑刻可考或云契丹所
 建既而地中得古瓦上有契丹字蓋遼亡士
 馬不降者西行所建城邑也又言西南至尋
 思干城萬里外回紇國最佳處契丹都焉歷
 七帝六月十三日至長松嶺後宿松栝森森
 千雲蔽日多生山陰澗道間山陽極少十四
 日過山度淺河天極寒雖壯者不可當是夕
 宿平地十五日晚起環帳皆薄冰十七日宿
 嶺西時初伏矣朝暮亦有水霜已三降河水
 有漸冷如嚴冬土人云常年五六月有雪今
 歲幸晴暖師易其名曰大寒嶺凡遇雨多電
 山路盤曲西北且百餘里既而復西北始見

平地有石河長五十餘里岸深十餘丈其水清冷可愛聲如鳴玉峭壁之間有大葱高三四尺澗上有松皆十餘丈西山連延上有喬松鬱然山行五六日峰迴路轉林巒秀茂下有溪水注焉平地皆松樺雜木若有人煙狀尋登高嶺勢若長虹壁立千仞俯視海子淵深恐人二十八日泊窩里朵之東宣使先往泰稟皇后奉旨請師渡河其水東北流洑漫沒軸絕流以濟入營駐車南岸車帳千百日以醍醐湏酪為供漢夏公主皆送寒具等食。黍米半白金十兩滿五十兩可易麵八十斤。蓋麵出陰山之後二千餘里西域賈胡以橐駝負至也中伏帳房無蠅窩里朵漢語行宮也其車輿亭帳望之儼然古之大單于未有若此之盛也七月九日同宣使西南行五六日屢見山上有雪山下往往有墳墓及升高陵又有祀神之跡又三二日歷一山高峯如削松杉鬱茂西有海子南出大峽則一水西流雜木叢映於水之陽葦茂如芳草夾道連數十里北有故城曰曷刺肖西南過沙場二

十里許水草極少始見回紇決渠灌麥又五六月踰嶺而南至蒙古營宿拂旦行逸遽南山望之有雲因以詩記其行當時悉達悟空晴發軔初來燕子城無州是也北至大河三月數即陸句河也四月至約二千餘里西臨積雪半年程即此地也山常有雪東至陸局河約五千里七月晝則不能隱地迎風坐道法有迴風隱地攀斗藏天之術卻使彌天逐日行到水窮山盡處斜陽依舊向西傾鄰人告曰此雪山北是田鎮海八刺喝孫也八刺喝孫漢語為城中有倉廩故又呼曰倉頭七月二十五日有漢民工匠絡繹來迎悉皆歡呼歸禮以彩幡華蓋香花前導又有章二妃曰徒單氏曰夾谷氏及漢公主母欽聖夫人素氏號泣相迎顧謂師曰昔日稔聞道德高風恨不一見不意此地有緣也翌日阿不罕山北鎮海來謁師與之語曰吾壽已高以皇帝二詔丁寧不免速行數千里方臨治下沙漠中多不以耕耘為務喜見此間稼穡已成余欲於此過冬以待鑾輿之迴何如宣

使曰父師既有法旨仲祿不敢可否惟鎮海相公度之公曰近有勅諸處官員如遇真人經過無得稽其程蓋欲速見之也父師若需於此則罪在鎮海矣願親從行凡師之所用敢不備師曰因緣如此當卜日行公曰前有大山高峻廣澤沮陷非車行地宜減車從輕騎以進用其言留門弟子宋道安輩九人選地為觀人不召而至壯者効其力匠者効其技富者施其財聖堂方丈東厨西廡左右雲房無瓦皆土木不一月落成榜曰棲霞觀時稷黍在地八月初霜降居人促收麥霜故也。大風傍北山西來黃沙蔽天不相物色師以詩自嘆云丘也東西南北人從來失道走風塵不堪白髮垂垂老又踏黃沙遠遠巡未死且今觀世界殘生無分樂天真四山五嶽都遊徧八表飛騰後入神八日携門人虛靜先生趙九古輩十人從以二車蒙古驛騎二十餘傍大山西行宣使劉公鎮海相公又百騎李家奴鎮海從者也因曰前此山下精哉我腦後髮我甚恐鎮海亦云乃滿國王亦曾在

此為山精所惑食以佳饌師默而不答西南約行三日復東南過大山經大峽中秋日抵金山東北少駐復南行其山高深谷長坂車不可行三太子出軍始開其路乃命百騎挽繩懸轅以上縛輪以下約行四程連度三嶺南出山前臨河止泊從官連幕為營因水草便以待鋪牛驛騎數日乃行有詩三絕云八月涼風爽氣清那堪日暮碧天晴欲吟勝槩無才思空對金山皓月明其二云金山南面大河流河曲盤桓賞素秋秋水暮天山月上清吟獨嘯夜光毬其三云金山雖大不孤高四面長拖拽脚牢橫截大山心腹樹干雲蔽日競呼號渡河而南前經小山石雜五色其旁草木不生首尾七十里復有二紅山當路又三十里鹹鹵地中有一小沙井因程挹水為食傍有青草多為羊馬踐履宣使與鎮海議曰此地最難行處相公如何則可公曰此地我知之久矣同往謔師公曰前至白骨甸地皆黑石約行二百餘里達沙陀北邊頗有水草更涉大沙陀百餘里東西廣袤不

知其幾千里及回紇城方得水草師曰何謂白骨甸公曰古之戰場凡疲兵至此十無一還死地也頃者乃滿大勢亦敗于是遇天晴書行人馬往往因斃唯暮起夜度可過其半明日向午得及水草矣少憩俟晡時即行當度沙嶺百餘若舟行巨浪然又明日辰巳間得達彼城矣夜行良使但恐天氣黯黑魑魅魍魎為祟我輩常塗血馬首以厭之師乃笑曰邪精妖鬼逢正人遠避書傳所載其孰不知道人家何憂此事日暮遂行牛乏皆道弃之馭以六馬自爾不復用牛矣初在沙陀北南望天際若銀霞問之左右皆未詳師曰多是陰山翌日過沙陀遇郊者再問之皆曰然於是途中作詩云高如雲氣白如沙遠望那知是眼花漸見山頭堆玉屑遠觀日脚射銀霞橫空一字長千里照地連城及萬家從古至今常不壞吟詩寫向直南誇八月二十七日抵陰山後回紇郊迎至小城北酋長設蒲萄酒及名果大餅暉葱裂波斯布人一尺乃言曰此陰山前三百里和州也其地大熱蒲萄

至夥翌日沿川西行歷二小城皆有居人時禾麥初熟皆賴泉水澆灌得有秋少雨故也西即驚思馬大城王官士庶僧道數百具威儀遠迎僧皆赭衣道士衣冠與中國特異泊于城西蒲萄園之上聞時回紇王部族勒蒲萄酒供以異花雜果名香且列侏儒伎樂皆中州人士庶日益敬侍坐者有僧道儒因問風俗乃曰此大唐時北庭端府景龍三年揚公何為大都護有德政諸夷心服惠及後人于今賴之有龍興西寺二石刻在功德煥然可觀寺有佛書一藏唐之邊城往往尚存其東數百里有府曰西涼其西三百餘里有縣曰輪臺師問曰更幾程得至行在皆曰西南更行萬餘里即是其夜風雨作園外有大樹復出一篇示眾云夜宿陰山下陰山夜寂家長空雲黯黯大樹葉蕭蕭萬里途程遠三冬氣候韶全身都放下一任斷蓬飄九月二日西行四日宿輪臺之東迭屑頭目來迎南望陰山三峰突兀倚天因述詩贈書生李伯祥生相人詩云三峰並起插雲寒四壁橫陳遠

澗盤雪嶺界天人不到冰池耀日俗難觀人云向此冰池之間觀者則魂識昏昧巖深可避刀兵害其巖險因建亂世堅守則得免其難水衆能滋稼穡軋下有泉源可以灌漑田禾黍歲秋成名鎮北方爲第一無人罵向畫圖看又歷二城重九日至回紇昌八刺城其王畏午兒與鎮海有舊率諸部族及回紇僧皆遠迎既入齋于臺上洎其夫人勸蒲萄酒且獻西瓜其重及秤甘瓜如枕許其香味蓋中國未有也園蔬同中區有僧來侍坐使譯者問看何經典僧云剃度受戒禮佛爲師蓋此以東昔屬唐故西去無僧道回紇但禮西方耳翌日並陰山而西約十程又度沙場其沙細過風則流狀如驚濤乍聚乍散寸草不萌車陷馬滯一晝夜方出蓋白骨甸大沙分流也南際陰山之麓踰沙又五日宿陰山北詰朝南行長坂七八十里抵暮乃宿天甚寒且無水晨起西南行約二十里忽有大池方圓幾二百里雪峰環之倒影池中師名之曰天池沁池正南下左右峰巒峭拔松樺陰森

高踰百尺自巔及麓何啻萬株衆流入峽奔騰洶湧曲折灣環可六七十里二太子扈從西征始鑿石理道刊木爲四十八橋橋可並車薄暮宿峽中翌日方出入東西大川水草豐秀天氣似春稍有桑棗次及一程九月二十七日至阿里馬城鋪連滿國王暨蒙古荅刺忽只領諸部人來迎宿於西果園土人呼果爲阿里馬蓋多果實以是名其城其地出帛目曰禿鹿麻蓋俗所謂種羊毛織成者時得七束爲禦寒衣其毛類中國柳花鮮潔細軟可爲線爲繩爲帛爲綿農者亦決渠灌田土人唯以飛取水戴而歸及見中原汲器喜曰桃花石諸事皆巧桃花石謂漢人也師自金山至此以詩記其行云金山東畔陰山西千巖萬壑攢深溪邊亂石當道卧古今不許通輪蹄前年軍興二太子修道架橋徹溪水三太子修金山二太子修陰山今年吾道欲西行車馬喧闐復經此銀山鐵壁千萬重爭頭競角誇清雄日出下觀滄海近月明上與天河通參天松如筆管直森森動有百餘

尺萬株相倚鬱蒼蒼一鳥不鳴空寂寂羊腸孟門壓太行比斯大略猶尋常雙車上下苦敦擷百騎前後多驚惶天池海在山頭上百里鏡空含萬象縣車束馬西下山四十八橋低萬丈河南海北山無窮千變萬化規模同未若茲山太奇絕磊落峭拔加神功我來時當八九月半山已上皆爲雪山前草木暖如春山後衣衾冷如鐵連日所供勝前又西行四日至荅刺速沒輦沒輦河也水勢深闊抵西北流從東來截斷陰山河南復是雪山十月二日乘舟以濟南下至一大山北有一小城又西行五日宣使以師奉詔來去行在漸邁先往馳奏獨鎮海公從師西行七日度西南一山逢東夏使迴禮師於帳前因問來自何時使者曰自七月十二日辭朝帝將兵追篝端汗至印度明日遇大雪至回紇小城雪盈尺日出即消十有六日西南遇板橋渡河晚至南山下即大石林牙大石林牙小石林牙名其國王遼後也自金師破遼大石林牙領衆數千走西北移徙十餘年方至此地其風

土氣候與金山以北不同平地頗多以農桑為務釀蒲萄為酒果實與中國同惟經夏秋無雨皆疏河灌漑百穀用成東北西南左山右川延袤萬里傳國幾百年乃滿失國後大石士馬復振盜擾其土繼而箕端西削其地天兵至乃滿尋滅箕端亦亡又聞前路多阻適壞一車遂留之十有八日沁山而西七八日山忽南去一石城當途石色畫赤有駐軍古跡西有大塚若斗星相懸又渡石橋並西南山行五程至塞藍城有小塔回紇王來迎入館十一月初連日雨大作四日土人以為年旁午相賀是日虛靜先生趙九古語尹公曰我隨師在宣德時覺有長往之兆頗倦行役嘗蒙師訓道人不以死生動心不以苦樂介懷所適無不可今歸期將至公等善事父師數日示疾而逝蓋十一月五日也師命門弟子堯九古于郭東原上即行西南復三日至一城其王亦回紇年已耄矣備迎送禮供以湯餅明日又歷一城復行二日有河是為霍闡沒輦由浮橋渡泊於西岸河橋官獻魚

於田相公巨口無鱗其河源出東南二大雪山間色渾而流急深數丈勢傾西北不知其幾千里河之西南絕無水草者二百餘里即夜行復南望大雪山而西山形與邪米干之南山相首尾復有詩云造物崢嶸不可名東西羅列自天成南橫玉嶠連峰峻北壓金沙帶野平下枕泉源無極潤上通霄漢有餘清我行萬里慵開口到此狂吟不勝情又至一城得接水草復經一城回紇頭目遠迎飯于城南獻蒲萄酒且使小兒為綠竿舞刀之戲再經二城山行半日入南北平川宿大桑樹下其樹可蔭百人前至一城臨道一井深踰百尺有回紇吏驅一牛挽轆轤汲水以飲渴者初帝之西征也見而異之命竭其賊役仲冬十有八日過大河至邪米思干大城之北四九太師移刺國公及蒙古回紇帥首載酒郊迎大設帷幄因駐車焉宣使劉公以路梗留坐中白師曰頃知千里外有大河以舟梁渡土寇壞之况復已及深冬父師似宜來春朝見師從之少焉由東北門入其城因溝岸為之

秋夏常無兩國人跡二河入城分逸巷陌比屋得用方箕端氏之未敗也城中常十萬餘戶國破而幸存者四之一其中大率多回紇人田園自不能主須附漢人及契丹河西等其官長亦以諸色人為之漢人工匠雜處城中有岡高十餘丈箕端氏之新宮據焉太師先居之以回紇艱食盜賊多有恐其變出居于水北師乃住官嘆曰道人任運道遠以度歲月白刃臨頭猶不畏懼况盜賊未至復預憂乎且善惡兩途必不相害從者安之太師作齋獻金段十師辭不受遂月奉未麪鹽油果菜等物日益尊敬公見師飲少請以蒲萄百斤新作釀師曰何必酒邪但如其數得之待賓客足矣其蒲萄經冬不壞又見孔雀大象皆東南數千里印度國物師因暇日出詩一篇云二月經行十月終西臨回紇大城墉塔高不見十三級以軋刻鏤玲瓏外無層級內可通行山厚已過千萬重秋日在郊猶放象夏雲無雨不從龍嘉蔬麥飯蒲萄酒飽食安眠養素慵師既住冬宣使洎相公鎮海遣

曷刺等同一行使臣領甲兵數百前路偵伺漢人往往來歸依特有算曆者在旁師因問五月朔日食事其人云此中辰時食至六分止師曰前在陸局河時午刻見其食既又西南至金山人言已時食至七分此三處所見各不同按孔穎達春秋疏曰體映日則日食以今料之蓋當其下即見其食既在旁者則千里漸殊耳正如以扇翳燈扇影所及無復光明其旁漸遠則燈光漸多矣師一日故官中遂書鳳樓梧詞二首于壁其一云一點靈明潛啓悟天上人間不見行藏處四海八荒唯獨步不空不有誰能覩瞬目揚眉全體露混混茫茫法界超然去萬劫輪迴遭一遇九玄齊上三清路其二云日月循環無定止春去秋來多少榮枯事五帝三皇千百禩一興一廢長如此死去生來生復死死輪迴變化何時已不到無心休歇地不能清淨超於彼又詩二首其一云東海西秦數十年精思道德究重玄日中一食那求飽夜半三更強不眠實跡未諧霄漢舉虛名空播朔方傳直

教大國垂明詔萬里風沙走極邊其二云弱冠尋真傍海濤中牟道跡隴山高河南一別昇黃鶴塞北重宣釣巨鼇無極山川行不盡有為心跡動成勞也知六合三千界不得神通未可逃是年閏十二月將終偵騎迴同宣使來白父師言見二太子發軍復整舟梁土寇已滅曷刺等詣營謁太子言師欲朝帝所復承命云上駐蹕大雪山之東南今則雪積山門百餘里深不可行此正其路爾為我請師來此聽候良便來時當就彼城中遣蒙古軍護送師謂宣差曰聞河以南千里絕無種養吾食須米麵蔬菜可迴報太子帳下壬午之春正月把攬始華類小桃俟秋採其實食之味加胡桃二月二日春分杏花已落司天臺判李公輩請師遊郭西宣使洎諸官載蒲萄酒以從是日天氣晴霽花木鮮明隨處有臺池樓閣間以蔬圃憇則藉草人皆樂之談玄論道時復引觴日昃方歸作詩云陰山西下五千里大石東過二十程雨霽雪山遙慘淡春分河府近清明和米思干大城大石有國時名為河

中府園林寂寂鳥無語花木雖茂並無飛禽風日遲遲花有情同志暫來閑睥睨高吟歸去待昇平望日乃一百五旦太上真元節也時僚屬請師復遊郭西園林相接百餘里雖中原莫能過但寂無鳥聲耳遂成二篇以示同遊其一云見二月中分百五期元元下降日遲遲正當月白風清夜更好雲收雨霽時而地園林行不盡照天花木坐觀奇未能絕粒成嘉遁且向無為樂有為其二云深蕃古跡尚橫陳大漢良朋欲徧巡舊日亭臺隨處列向年花卉逐時新風光甚鮮留連客夕照那堪斷送人竊念世間酬短景何如天外飲長春三月上旬阿里解至自行宮傳旨云真人來自日出之地跋涉山川勤勞至矣今朕已迴亟欲聞道無倦迎我次諭宣使仲樞曰尔持詔徵聘能副朕心佗日當置汝善地復諭鎮海曰汝護送真人來甚勤余惟汝嘉仍教萬戶播魯只以甲士千人衛過鐵門師問阿里鮮以途程事對曰春正月十有三日自此初發馳三日東南過鐵門又五日過大河二

月初吉東南過大雪山積雪甚高馬上策鞭測之猶未及其半下所踏者復五尺許南行三日至行宮矣且師至次第奏訖上說留數日方廻師遂留門人尹公志平輩三人于館以侍行五六人同宣使輩三月十有五日啓行四日過碣石城預傳

聖旨令萬戶播魯只領蒙古回統軍一千護送過鐵門東南度山山勢高大亂石縱橫衆軍挽車兩日方至山前泐流南行軍即北入大山破賊五日至小河亦船渡兩岸林木茂盛七日舟濟大河即何毋沒輦也乃東南行晚泊古渠上渠邊蘆葦滿地不類中原所有其大者經冬葉青而不凋因取以為杖夜橫棘下棘覆不折其小者葉枯春換少南山中有大實心竹士卒以為戈戟又見蜴蜥皆長三尺許色青黑時三月二十九日也因作詩云志道既無成天魔深懼東辭海上來西望日遣去鷄犬不聞聲馬牛更遮鋪千山及萬水不知是何處又四日得達行在上達大臣喝刺播得來迎時四月五日也館舍定即

入見上勞之曰佗國徵聘皆不應今遠踰萬里而來朕甚嘉焉對曰山野詔而赴者天也上悅賜坐食次問真人遠來有何長生之藥以資朕手師曰有衛生之道而無長生之藥上嘉其誠實設二帳於御帷之東以居焉譯者問曰人呼師為騰吃利蒙古孔譯語謂天人也自謂之邪人稱之邪師曰山野非自稱人呼之耳譯者再至曰舊矣呼奏以山野四

人事重陽師學道三子羽化矣唯山野處世人呼以先生上問鎮海曰真人當何彌鎮海奏曰有人尊之曰師父者真人者曰神仙者上曰自今以往可呼神仙時適炎熱從車駕廬於雪山避暑上約四月十四日問道外使田鎮海劉仲祿阿里鮮記之內使近侍三人記之符及期有報回訖山賊指斥者上欲親征因改卜十月吉師乞還舊館上曰再來不亦勞乎師曰兩旬可矣上又曰無護送者師曰有宣差揚阿狗又三日命阿狗督回訖首長以千餘騎從行由佗路迴遠歷大山山有石門望如削巖有巨石橫其上若橋焉其下

流甚急騎士策其驢以涉驢遂溺死水造尚多橫屍此地蓋關口新為兵所破出峽復有詩二篇其一云水北鐵門猶自可水南石峽太堪驚兩崖絕壁攙天聳一澗寒波滾地傾夾道橫屍人掩鼻瀟溪長耳我傷情十年萬里干戈動早晚迴軍復太平其二云雪嶺曠

曠上倚天晨光燦燦下臨川仰觀峭壁人橫度俯視危崖栢倒懸五月嚴風吹面冷三焦熱病當時痊我來演道空回首更卜良辰待下元始師來覲三月竟草木繁盛羊馬皆肥及奉詔而回四月終矣百草悉枯又作詩云外國深蕃事莫窮陰陽氣候特無從纔經四月陰魔盡春霖雨四月地陽絕無而卻早彌天旱魃凶浸潤百川當九夏以水激回摧殘萬草若三冬我行往復三千里三月去五月四不見行人帶雨容路逢征西人回多獲珊瑚有德官以白金二鎰易之近五十株高者尺餘以其得之馬上不能完也繼日乘涼宵征五六日達邪米思干大石名河中府諸官迎師入館即重午日也